

مجموعه ابو الضرب

ماسوا شایه سندن دلی تطهیرہ چالش

پرتو حکمت و عرفان الہ تنویرہ آتش

هر ماه عربی ابتدایه اون بشده نشر اولور قون مجموعه سیدر

جزو ۴۰ [فی ۱۵ صفر سنہ ۱۳۰۲] نسخہ سی ۳ فروش

ذات علیا گره اولان محبت و اخلاصک درجه سنی بیان ایدم .
چونکه بعض شیرده اساتمہ حکم اولنور ایدی . لکن بوندن صگره صداقده
ثابتقدم اوله جغی وعد ایدرم . بنم سنده ثباته قرار لازمدر . اعتماد
بیورککه سزدن بشقه هیچ برشله اشتغال ایتیمور .

آلب طاغلرندہ برعکس صدا یوقدرکه نام لطافت اتسامگری تکرار
ایتمکی آکا تعلیم ایتماش بولنه یم .

بندہ گز

وولتر .

مادام دوبارینک بالاده کی مکتوبه جوابی

افندم

مکتوبگری مطالعه ایدرکن دوق دوشووازلک انفصانه جدأ متأسف
اولدم . اعتماد بیورگرکه بو انفصاله بالذات کنیدیسله منسوبانی سبب اولشلردر .
دوستلرگزک فلاکتدن طولایی ابراز بیوردیغکز تأسفلر طوغریسی مالک
اولدیغکز علو جناب ایله متأسبدر . فقط ذات عالیگری سون و ذکا گره نظر
حیرتله باقان یالکز اسکی دوستلرگز اولدیغنه اعتماد بیورملیسکز . سزی حمایه
ایتمک برشرفدرکه انسان آتی بشقه سنده کوره جک اولسه همه حال حسد ایدر .
بن هر نه قدر بالاس دکلسه مده ینه هر درلو نفوذمله ذات عالیگره خدمت
ایتمکی کندم ایچون بیوک برشرف عد ایلدم . بکا بیان ایتدیگکز محبت
و تأمین بیوردیغکز صداقت و اخلاصدن طولایی تشکر ایدرم . اسمی آلب
طاغلرینک عکس صدالرینه تکرار ایتدیرمه گز بنم ایچون پک بیوک برشرفدر .
اعتماد بیورگرکه اسم عالیگر دخی (وهرسای) دائره لرنده کثرتله تذکار
اولنقدهدر .

ممکن اولسه استکزه لایق اولان [پیند و پاراناس] طاغلرینک پيشنه کیده رک
بنده استکزی عکس صدالره تکرار ایتدیر ایدیم.

عنده . بنده لایق اولسه صدالره [وهر سای] قونوس دویاری
مجلس رهبانیه

مجلس رهبانیه عقد و تشکیلی خرسیتانلغه مجوسیلردن انتقال ایشدر.
چونکه قدمای ایرانیه و آتشیپرستان هند میاننده خلی نفوذی اولان
[زردشت] مذهب قدیمی اربابی دخی مجلس رهبانیه عقد ایدرلر ایدی [*]

[*] زردشت پیشوای آتش پرستاندر. اصل اسمی [ابستمان] اولوب
منوجهر نسلکندر. عصرنده متداول اولان علمی و بالخاصه فلسفہ فی تحصیلدن
صکره سیلان جزیره سنده برکوهه چکله رک حال ازواده [آبستاغ] نامنده کی کتابی تألیف
ایشدر. کشتاسبک اوتوزنجی سنه سلطنتنده طاغدن ایندرک صرتنده بیاض صوفدن
برجبه و اموزنده ردای آتشیپرستان اولدیفی حالده کشتاسبه کلوب ادعای بیوت ایش
و کندیشندن معجزه طلب ایلدکلرندن « بکا آتش تأثیر ایلر » دیمه سبیل اوزرینه
اریش باقر دوکیله رک کویا هیچ برتائیر و المنی کورمماش ایش.
زردشتک اصلی عجم و برروایشه کوره فلسطینده الیوم (رمه) دیدکلی
محل اهالیسندن ایش. مؤخر آذر بایجانده کیده رک دین مجوسی اختراع ایشدر.

کشتاسب مرقومک نبوتی تصدیق ایلد خلقی مذهبیه یعنی آتشیپرستانلکه
دعوت ایلدی.

دین و آیینده متعلق ابحاثی جامع اوله رق لسان فارسی اوزره تألیف ایلدی
(آبستاغ) نامنده کی کتابی که سماوی اولدیفی ادعا ایدردی. هیچ کیمسه آکلایه
مدیفندن آتی شرح ایلد (زند) و بعده زندی دخی تفسیر ایلد (پازند) سمیه ایش
و بونلری ۱۲۰۰۰ قطعه اوکوز جلدینه یازهرق اسطخر قلعہ سنده دفن ایشدر.
جواهر التفسیرده حسین واعظ مذهب مجوسدن بحث ایلد دیشدر که

« جماعت مجوس حضرت ابراهیم علیه السلامک دینده اتباع ادعا سنده در. و آتشی
عبادت ایتدیرلی دانسه اولیوب بلکه آتی قبله اتخاذا ایلد وسیله تقرب خدا حد
ایتمه لرنددر. » دین مجوس دخی مذاهب مختلفیه آیرلمشدر که تفصیلاتی ملل
و نحل کافلدر.